



Uunga

Inatsisartunut ilaasortaq Peter Olsen, Inuit Ataqatigiit

UKA 2018/203-mut tunngatillugu apeqqummut akissut: Ilinniagaqarneq inuussutissarsiuteqarnerlu pillugit ilitersuisarneq pillugu Inatsisartut inatsisaata allanngortinneqarnera pillugu Inatsisartut inatsisissaattut siunnersuut.

25-10-2018
Suliap normua. 2018 - 5869
Allakkat nr. 8947599

Postboks 1029
3900 Nuuk
Oqarasuaat: +299 34 50 00
Email: ikiin@nаноq.gl
www.nanoq.gl

Inatsisissatut siunnersuut pineqartoq siullermeerlugu suliarineqarnerani neriorsorneqarputit § 12, imm. 2-mi oqaaseqatigiit aappaannut tunngatillugu apeqqutigisat allakkatigut akineqassasoq.

Apeqqutigisaaq:

"Naalakkersuisut § 12, imm. 2-mi oqaaseqatigiit appaat piissallugit eqqarsaatigisimavaat: "Tamatumuuna kommunalbestyrelsip qinnuteqarneratigut Naalakkersuisut akuersissuteqarsinnaapput, siunnersuineq utaqqiisaasumik inummit siunnersuinissamat allatigut piginnaasalimmit ingerlakkallarneqassasoq, siunnersuisoq pineqartoq Naalakkersuisunit akuerisaasumik siunnersuisartutut ilinnialerniarluni ilinniakkaminilluunniit naammassinninniarluni aallartinnerani.

Matumani eqqarsaataavoq ilinniagaqartunik tarnimikkut nappaatilinnik katsorsaanissaq peqqissaanissarlu inummit ilinniagaqanngitsumit isumagineqarnissaa ulorianarsinnaasoq."

Akissutit

Aallarniutigalugu erseqqissaassutigineqassaaq aalajangersagaq tarnikkut inooqatigiinnikkullu siunnersuisarnermut attuumassuteqanngimmat.

Siunnersuummut nassuiaatini takuneqarsinnaasutut siunnersuummi § 1, nr. 7-imut tunngatillugu § 12, imm. 2-mi oqaaseqatigiit aappaanni oqaasertaliussaq pineqartoq tassatuaavoq Ilinniartitaanernut Inuussutissarsiutinullu siunnersuisarneq pillugu Inatsisartut inatsisaanni atuuttumi kalaallisut danskisullu oqaatsit atorneqartut imminnut naapertuuttunngortinneqarnissaat. Taamaaliortoqarpoq kalaallisut oqaasertaliussami "Tamatumuuna kommunalbestyrelsip" ilanngunneqarneratigut. Tassa inatsisitigut inissisimaneq allannguuteqanngilaq. Inatsimmi aalajangersagaq UKA 2013-imi tamanit akuerisaasoq pineqarpoq aamma soorlu IAP taamanikkut taperseraa.

Oqaatigineqassaarlu § 12-imi tarnikkut inooqatigiinnikkullu siunnersuisarneq pineqarani kommunimi qitiusumik ilitersuisarnermik ingerlatsiviup ilitersuisarnikkut neqerooruteqartarnera pineqarmat.

Aalajangersagaq ima oqaasertaqarpoq:

“§ 12. Kommuniq ilitersuisarfiani ilitersuisartut piginnaasaqartut illuni naleqquttuni ilitersuisarnermik neqerooruteqartarnissaat kommunalbestyrelsip isumagissavaa, takuuk imm. 2.

Imm. 2. Inunnit Naalackersuisunit akuerisaasumik ilinniartitsineramik ilitersuisarnermillu ilinniagaqarsimasunit imaluunniit tassunga assingusumik ilitersuisinnaanermik piginnaasaqarnermik uppersaasinnaasunit ilitersuisarnek ingerlanneqassaaq. Naalackersuisut tamanna pillugu qinnuteqartoqareernerata kingorna akuerisinnaavaat, ilitersuisarnerup inummit ilitersuisarnermi allaanerusunik piginnaasaqartumit utaqqiisaasumik ingerlanneqarnissaa, ilitersuisartoq pineqartoq Naalackersuisunit akuerisaasumik ilinniartitsineramik ilitersuisarnermillu ilinniarnermik ingerlataqarpat ilinniarnissamilluunniit pilersaaruteqarpat.”

Aalajangersakkap imm. 2-ani siunertaavoq ilitersuinermi pitsaassutsimik qulakkeerininnissaq, taamaammat piumasaqaataavoq inuit ilitersuisussat uppersarnerneqarsinnaasumik piginnaasaqarnissaat, soorlu ilinniagassamik inuussutissarsiutissamilluunniit toqqaanissamut ilitersuisinnaanermik piginnaasaqarnissaat. Aalajangersagaq taamaalilluni tarnikkut inooqatigiinnikkullu ilitersuisarnermut tunngatillugu Naalackersuisut suliaasaannut attuumassuteqanngilaq.

Aalajangersakkami oqaaseqatigiinni siullerni oqaasertaliussamut aalajangersagaq atatinneqassaaq, tassani allassimavoq pingaarnertut piumasaqaataasoq ilitersuisussaq ilinniartitaanernut inuussutissarsiutinullu siunnersuisinnaassaguni ilinniartitsineramik ilitersuisarnermillu ilinniarnermik Naalackersuisunit akuerisaasumik ilinniagaqarsimassasoq.

§ 12, imm. 2 pingaarnertut malittarisassani malinneqartariaqanngitsunik marlunnik imaqarpoq.

Malinneqartariaqanngitsoq siulleq aalajangersakkamut oqaasertaliussami siullermi pingaarnertut malittarisassamut ilassutitut oqaasertaliussaavoq, tassani allassimavoq ilitersuisarnermik ilinniagaqarsimanngikkaluarluni ilitersuineramik isumaginnittoqarsinnaasoq, tassa pineqartoq ilinniartitaanernut inuussutissarsiutinullu ilitersuisarnermut naapertuuttumik allamik ilinniagaqarsimappat. Ilinniartitaaneq pineqartoq Naalackersuisunit akuerineqarsinnaasoq assersuutigalugu tassaasinnaavoq nunani allani ilitersuisarnermik ilinniagaqarsimaneq, ilisimatusarfimmi ilinniagaqarsimaneq imaluunniit isumaginninnermi siunnersortitut ilinniagaqarsimaneq.

Malinneqartariaqanngitsup aappaa aalajangersakkamut oqaasertaliussat aappaanni takuneqarsinnaavoq, taannalu utaqqiisaasumik malinneqartariaqanngitsuvoq. Immikkut periarfissiisummi tassani pineqarput inuit ilitersuinermi allaanerusunik piginnaasallit aamma inuit ilitersuisarnermik ilinniagaqartut ilinniarnissamilluunniit pilersaaruteqartut. Taamaalilluni ataavartumik malinneqartariaqanngitsoq pineqanngilaq, tassa aalajangersakkamut oqaasertaliussani siullerni piumasaqaataammat ilinniagaqarneq pillugu piumasaqaat piffissap ilaani malinneqassasoq.

Inussiarnersumik inuulluaqqusilluta
Med venlig hilsen

Ane Lone Bagger